



DIVULGACIÓN DO PROXECTO PROTECCIÓN E RECUPERACIÓN DA BIODIVERSIDADE MARIÑA E CONSERVACIÓN DOS RECURSOS MARIÑOS NO ÁMBITO DA CONFRARÍA DE PESCADORES SAN ANTONIO DE CAMBADOS.

Expediente:PE209C-2021F- 045

O proxecto foi solicitado ao amparo da Orde do 10 de Xuño de 2021 pola que se establecen as bases reguladoras xerais e se convocan para o ano 2021 en réxime de concorrencia competitiva, axudas a proxectos colectivos financiados polo Fondo Marítimo e da Pesca (FEMP) que contribúan a protección e recuperación da biodiversidade mariña a través dunha mellor xestión e conservación dos recursos mariños e dos seus ecosistemas, así como ao fomento da sensibilización ambiental.

OBXECTIVOS:

O obxectivo global, está implícito no título do proxecto e será a protección da biodiversidade e a conservación dos hábitats mariños xestionados pola Confraría de Pescadores San Antonio de Cambados, dito obxectivo inclúe a xestión dos bancos marisqueiros de xeito sustentable.

As actividades desenvolvidas ao longo do proxecto foron:

Xestión e seguimento dos recursos mariños vivos nas zonas de produción

A xestión dos bancos marisqueiros precisou a realización de mostraxes, tanto nas zonas de produción, como despois da extracción para o control de tallas nos puntos de control e nas lonxas

As mostraxes dos bancos marisqueiros da área de explotación da Confraría de Cambados cunha periodicidade semestral, de acordo coa importancia do banco, nivel de datos dispoñibles, etc., en coordinación cos Biólogos de Zona da delegación comarcal de Carril.



Figura 1.- Toma de mostrax no banco de O Sarrido

Elaboración dos plans marisqueiros da entidade.

Durante o terceiro trimestre de 2021, presentáronse os seguintes plans xestión para os anos 2021-2023:

- Plan de Xestión de Marisqueo a Pé da Confraría de Cambados en rexime de autorización, cuxo banco principal é o Sarrido e as especies máis importantes son ameixa xaponesa e ameixa fina.
- Plan de Xestión de Marisqueo a flote en rexime de autorizacións nas áreas de Tragove e Rego do Alcalde preferentemente. A especie principal é ameixa xaponesa e ameixa babosa.
- Plan de Xestión de Marisqueo a flote en zonas de Plan Específico en zonas de libre marisqueo no banco principal de O Galiñeiro i especie obxectivo ameixa babosa.

Durante o terceiro trimestre de 2022, presentáronse os seguintes plans de xestión de recursos específicos para os anos 2022-2024:

- Plan de Xestión de solénidos a mergullo da Confraría de Cambados.
- Plan de Xestión para a extracción de algas a mergullo da Confraría de Cambados

Tamén se elaborou un Plan Zona CONXUNTO DE SOLÉNIDOS NO LOMBO DE AS MEANS para os anos 2022 e 2023.

- Este plan desenvólvese para regular a actividade dos mariscadores de a flote na extracción de navalla (*Ensis magnus*) no banco de As Means. O plan ten carácter experimental porque a extracción do molusco se realiza coa arte da “forquilla con espello” non autorizada para o marisqueo a flote. Por outra parte, é un banco xestión conxunta coa confraría de pescadores de O Grove.



Figura 2.- Mostraxe de forquilla i espello no banco marisqueiro de solénidos nas Means.

Formación profesional e formación permanente do persoal e asociados da entidade.

O proxecto establece a realización dunha xornada formativa de difusión sobre a actividade de I+D que a Confraría desenvolve xunto con outros centros de investigación.

As condicións provocadas pola pandemia do COVID -19, fixo complicado a realización de xornadas formativas en espazos interiores, polo que non se puideron desenvolver máis actividades.



Figura 3. Xornada formativa entre os membros equipo de gardapescas (14/03/2022)

Unha xornada formativa-divulgativa do proxecto, foi realizada o 14 de Febreiro de 2022 no salón de actos da Confraría.



Figura 4. Xornada formativa (25/02/2022)

Seguimento, control e planificación dos proxectos de rexeneración e mellora da produtividade desenvolvidos no ámbito da entidade.

Desenvolveuse o proxecto de “Mellora da Produtividade dos bancos de Tragove-Sarrido” no que se realizaron actuacións de acondicionamento do substrato e sementeira de ameixa autóctona babosa (*Venerupis corrugata*)



Figura 5. Barcos descompactando substrato e repoboación de ameixa

Desenvolveuse o proxecto de “Recuperación do hábitat costeiro de Fefiñáns” no que se realizaron actuacións de acondicionamento do substrato co aporte de áridos de gran de maior tamaño e posterior sementeira de ameixa autóctona babosa (*Venerupis corrugata*)



Figura 5.- Sementando no banco de Fefiñáns, despois dunha acción de corrección granulométrica do substrato

Conservación, protección e sustentabilidade da explotación dos recursos mariños.

No apartado de **conservación**, protección e sustentabilidade da explotación dos recursos mariños, realizáronse varias actuacións desenvolvidas principalmente polo servizo de Gardapescas da Confraría.

A confraría dispón de autorizacións tanto para o marisqueo a pé como a flote, polo tanto a área de traballo é importante e os vixiantes desempeñan o seu labor tanto por terra como no mar, estando organizados de tal maneira que complementan as labores de vixilancia optimizando o tempo de traballo.

Por outra parte, o persoal de vixilancia actuou baixo a supervisión do servizo de Gardacostas i en colaboración con este, estando obrigados a remitir ao servizo os datos e informes que lles sexan requiridos. Con antelación mínima de sete días mandáronse as programacións semanais de vixilancia e control e mensualmente enviouse un informe das actividades realizadas ao Servizo de Gardacostas.



XUNTA DE GALICIA
CONSELLERÍA DO MAR



UNIÓN EUROPEA
Fondo Europeo Marítimo e de
Pesca (FEMP)

PROXECTO DE RECUPERACIÓN E PROTECCIÓN DA BIODIVERSIDADE E DOS ECOSISTEMAS NO ÁMBITO DA CONFRARÍA DE PESCADORES SAN ANTONIO DE CAMBADOS.

(PE209C – 2021F – 045)

ENTIDADE BENEFICIARIA: CONFRARÍA DE PESCADORES SAN ANTONIO DE CAMBADOS

IMPORTE DA SUBVENCIÓN CONCEDIDA: 290.954,98 euros

Importe público FEMP (75%): 218.216,23 €

Importe público Comunidade Autónoma de Galicia (25%): 73.738,75 €

PROGRAMA OPERATIVO FEMP 2014-2020

Proxecto cofinanciado polo FEMP nun 75%